

# Nov portal d'internet dals museums e dals archivs culturals dal Grischun

■ (cc) L'uffizi da cultura dal chantun Grischun ha elavurà – ensemen cun ils var 90 museums ed archivs culturals en il chantun – il portal [www.museen-graubuenden.ch](http://www.museen-graubuenden.ch) ed il guid «Ils museums en il chantun Grischun». Quests projects èn vegnids realisads en il rom d'in punct central da svilup dal program da la regenza 2009–2012.

Ils museums ed ils archivs culturals en il chantun Grischun sa preschentan a partir dals 26 d'avrigl 2013 per l'emprima giada sin in portal d'internet cuminaivel. La finamira era da preschentar cuminaivlamain las 93 instituziuns en il chantun e da render attent uschia a la gronda diversidad.

La preschentaziun visuala dal portal

da museum [www.museen-graubuenden.ch](http://www.museen-graubuenden.ch) è a medem temp ludica e simpla: La charta dal Grischun interactiva permetta ina visita directa da mintga singul museum. Ils museums pon ultra da quai vegnir mussads tenor categorias e tenor criteris regionalis ed in joker mussa tar mintga clic in nov museum sco sorpresa.

Mintga regiun vegn caracterisada en in curt purtret, mintga museum preschenta cun texts e cun maletgs ses puncts centrals dal cuntegn e sias particularitads culturals. Cunquai vegn purchida a las visitadras ed als visitaders potenzials da la Svizra e da l'exteriur ina survista davart las singulas chasas complessiva, cumpacta e concepida cumpletta-

main. Medemamain publicgadas èn infurmaziuns generalas per visitadras e visitaders (adressa, uras d'avertura, pretschs d'entrada) ed actualitads. Ultra da las instituziuns gia etablidadas duain era vegnir preschents museums ed archivs culturals main enconuscents. Il portal infurmescha en quatter linguas (tudestg, rumantsch, talian ed englais).

Ensemen cun lantschar il portal da museums è cumparada ina brochura practica da 244 paginas cun infurmaziuns centralas davart mintga museum.

**Il guid «Ils museums en il chantun Grischun» po vegnir retratg tar la promoziun da la cultura dal Grischun, Loëstrasse 26, 7000 Cuira; e-mail: [andrea.conrad@afk.gr.ch](mailto:andrea.conrad@afk.gr.ch); tel. 081 257 48 04.**



**Sin il nov portal d'internet pon ins mirar tge ch'il singul museum ha da porscher.**

FOTO Y. BÜRKL